

宋槧太平御覽



403  
13



13  
403  
13



太平御覽卷第六十一

八地部二十六

泗水

祥瑞

沉祭

淮

祥瑞

濟

釋名曰河下也隨地下處而通流也

山海經曰崑崙山縱廣萬里高萬一千里去嵩山五萬里有青河白河赤河黑河環其墟其白水出其東北陒而向東南流為中國河河百里一小曲千里一大曲發源及中國大率常然東流潛行地下至規期山北流分為兩源一出葱嶺一出于闐其河復合東注蒲昌海復潛行地下南出積石山西南流又東迴入塞過燉煌酒泉張掖郡南與洮河合過安定北地郡北流過朔方郡西又南流過五原

太平御覽

卷六十一

新念圖書

此係明八年治  
卅八年八月  
月諸田一人  
卅八年八月  
卅八年八月  
所購以贈

早播田田圖書



八幡田中

郡南又東流過雲中西河郡東又南流過上郡河東郡西  
而龍門汾水從東於此入河東即龍門所在。○呂氏春  
秋日龍門未開河出孟門東大溢是謂洪水禹鑿龍門始  
南流至華陰潼關與渭水合又東迴過砥柱砥柱山名河  
水分流包山而過山見水中若柱然今陝州東河北陝縣  
三縣界及洛陽孟津所在至鞏縣與洛水合成臯與濟水  
合濟水出河北至王屋山而南截河渡正對成臯又東北  
流過武德與沁水合至黎陽信都信都今冀州絳水所在  
絳水亦曰潰水一曰漳水鉅鹿之北遂分爲九河鉅鹿今  
邢州大陸所在大陸澤名九河一曰徒駭二太史三馬頰  
四覆釜五胡蘇六簡七絜八鈞盤九鬲津又合爲一河而  
入海齊桓公塞九河以廣田居故館陶貝丘廣川信都東  
光河開以東城池九河舊跡猶存漢代河決金堤南北多

罹其害議者常欲求九河故迹而穿之未知其所是以班  
固云自茲距漢以亡其八枝也河之故瀆自沙丘堰南分  
河出焉故尚書稱導河積石至于龍門今絳州龍門縣界  
南至于華陰北至于砥柱東至于孟津在洛北都道所湊  
古今以爲津東過洛汭至于大伾洛汭今鞏縣在河洛合  
流之所也大伾山今汜水縣即故成臯也山再成曰伾北  
過絳水至于大陸其絳水今冀州信都大陸澤名今邢州  
鉅鹿又北播爲九河同爲逆河入海是也同合出九河又  
合爲一名爲逆河逆迎也言海口有潮汐潮以迎河水  
書曰九河既道孔安國注曰河水分爲九道  
詩曰關關雎鳩在河之洲  
又曰新臺有泚河水瀾瀾  
又曰河水洋洋北流活活

又曰誰謂河廣一葦航之誰謂宋遠跋予望之

又曰不敢暴虎不敢憑河

大戴禮曰聖人有國則河不滿溢

禮斗威儀曰君乘土而王其政太平則河濂宋均注曰河不災溢也

傳曰周詩有之曰俟河之清人壽幾何詩逸詩也言人壽促而河清遲喻晉

之不可待也

又曰楚昭王有疾卜河為祟大夫請祭王曰江漢沮漳楚

之望也河非所獲罪

春秋考異郵曰河者水之氣四瀆之精所以流化故曰河

潤千里

孝經援神契曰河者水之伯上應天漢

史記曰秦滅六國自以為獲水德之瑞更名河曰德水

漢書曰河有兩源一出葱嶺山一出于闐于闐在南山下



其北流與葱嶺河合東注蒲昌海一名鹽澤

又曰長水校尉高竝言河決率常於平原東郡左右其地

形下而土疏惡也聞禹理河本空此地以為水猥近察秦

漢河決曹衛之域不過百八十里可空此地勿以為官亭

民室

張璠漢紀曰郭伋為潁川太守光武詔曰賢能太守去帝

城不遠河潤九里翼京師并蒙其福

魏志曰表紹渡河沮授臨舟歎曰上盈其志下務其功悠

悠黃河吾其濟乎

說苑曰甘茂使齊渡河船人曰河水猶濶耳君不能渡何

王之能說乎甘茂曰持楫隨流臣不若子說萬乘之君子

不如我

相譚新論曰大司馬張仲議曰河水濁一石水六斗泥而

民競決河溉田今河不通利至三月桃花水至則決以其  
噎不泄也可禁民勿復引河

韓詩外傳曰申徒狄非世將自投於河崔嘉聞而止之曰  
聖人民之父母也今為濡足之故不救溺人可乎申徒狄  
曰昔桀殺龍逢紂殺比干而亡天下吳殺子胥陳殺泄冶  
而滅其國非無聖知不用故也遂負石而沉於河○河圖  
始開圖曰黃帝問風后曰余欲知河之始開風后曰河凡  
有五皆始開乎崑崙之墟

慎子曰西河下龍門其流駛如竹箭

抱朴子曰撮壤不能填決河升水不能冷原火

又曰寸膠不能理黃河之濁尺水不能却蕭丘之火

淮南子曰武王伐紂至孟津陽侯之波逆流而擊疾風晦  
冥人馬不相見於是武王左操黃鉞右執白旄暝目而麾



曰余在天下誰敢害余意者於是風濟波罷  
又曰河以委蛇委蛇音透迤故能遠山以陵遲故能高道以優  
游故能

又曰水九折注海而流不絕者有崑崙之輸也

風俗通曰河播也播為九州也

物理論曰河色黃衆川之流蓋濁之也百里一小曲千里

一曲一直

山海經曰從極之淵深三百仞唯冰夷恒都焉冰夷馮夷也淮南子

馮夷得道馮夷人面乘兩龍乘雲車駕二龍

水經注曰禹理洪水觀於河見白面長人魚身出曰吾河

精也授禹河圖而還於淵

又曰昔澹臺子羽齋千金之璧渡河陽侯波起兩蛟挾舟

子羽曰吾可以義求不可以威劫操劔斬蛟蛟死波休乃

投壁於河三投而輒躍出乃毀壁而去示無恠意  
又曰崑崙在北去嵩高五萬里地之中也高萬一千里河  
水出其東北

蕭廣濟孝子傳曰三洲者人各一洲人皆孤單燒獨三人  
閣會樹下息因相訪問老者曰寧可合為斷金之業邪二  
人曰諾即相約為父子因命二人於大澤中作舍且欲成  
父曰此不如河邊二人曰諾河邊舍幾成父曰又不如河  
中二人復填河二旬不立有一書生過之為縛兩土腕投  
河中會父往呼止之曰嘗見河可填耶觀汝行耳相將而  
去明日俱至河邊望見河中土高丈餘

祥瑞附

禮記曰河出馬圖言龍馬負圖也  
河圖曰黃帝云余夢見兩龍授圖乃齋往河洛而求有魚

折溜而止魚汎白圖跪而受之

運斗樞曰舜與諸侯觀河洛有黃龍負圖出置帝前覽入

水而前去龍之遊反又音帶覽去也

拾遺記曰黃河千年一清聖王之大瑞也

易乾鑿度曰帝王將起河水先清清變白白變赤赤變黑

黑變黃各三日

中候曰榮光出河休氣四塞榮光即五色

論語曰河不出圖吾已矣夫

沉祭附

穆天子傳曰天子西狩獵于滲澤獲白狐玄貉以祭于河  
宗  
禮記曰三王之祭川也皆先河後海此所謂務本言海之  
本源自河也

史記曰元光中河決於瓠子於是天子臨決河沉白馬玉  
璧於河令羣臣從官自將軍已下皆負薪填決河而取淇  
園之竹以為堰天子既臨河決悼功之不成乃作瓠子之  
歌

決塞附

穀梁傳曰梁山崩壅河三日不流晉君召伯尊伯尊遇輦  
者問焉輦者曰君親素縞帥羣臣哭之既而祠焉伯尊至  
君問之伯尊如其言而河流矣

左傳曰伯宗

漢書曰成帝時河決潰金隄凡灌四郡河堤使者王延世  
塞以竹落長四丈大九圍盛以小石兩船夾載而下之三  
十六日河隄成改元為河平

又曰賈讓奏言治河有上中下三策若徙其當水衝之人  
以避之放河使北入海泛濫期月自定不勞人力此功一

立河定人安千載無患謂之上策若多穿漕渠使人得以  
溉田雖非聖人法然亦救敗術也今據堅地作石隄東西  
水門但用木與土耳旱則開東方水門以溉田水則開西  
方高門以分河此誠富國安人興利除害謂之中策苟繕  
完故堤增卑陪厚勞費無已數逢此害謂最下策也

又曰武帝元光中河水決頓丘發卒十萬救決河起龍淵  
宮

武廟也自作之故言官

呂氏春秋曰故龍門未開呂梁未發河水來孟門大溢逆  
流名曰洪水禹乃決江疏河為彭蠡之鄩所治者千八百  
國此禹之功

文子曰江河之大溢不過三日

水經注曰漢平帝之世河汴決壞未及得修汴渠東侵日  
月彌廣門閭故處皆水中也漢明帝永平十二年議治汴

渠上乃引樂浪人王景開水形便景陳利害應對敏捷帝甚善之乃賜山海經河渠書禹貢圖及以錢帛發卒數十萬詔景與將作謁者王吳治渠築隄防修塌起自滎陽東至千乘海口千有餘里景乃商度地勢鑿山開澗防遏衝要疎決壅積十里一門水更相迴注無復潰漏之患明年渠成帝親隨巡行詔濱河郡國置河堤員吏如西京舊制由是顯名王吳及諸從事者皆增秩一等順帝陽嘉中又自沐河口以東緣河積石爲堰通淮曰金堤靈帝建寧中又增修石門以遏渠口水盛則注津耗則輟流

淮

春秋說題辭曰淮出桐柏淮者均也均其務釋名曰淮圍也圍遶揚州北界東至海廣雅同說文曰淮出南陽平氏桐柏大復山東南

水經注及山海經云淮水出南陽平氏縣桐柏山其源初則涌出復潛流三十里然後長驚東北經大復山從義陽郡北東過江夏平春縣北又東過新息縣南期思縣北至原鹿縣南與汝水合又東過廬江安豐縣與泝水合東北至九江壽春縣東與潁水合壽春縣北與淝水合又東至當塗縣北與渦水合東北至下邳淮陰縣與泗水合東至廣陵淮浦縣而入海也近海數百里通朝夕潮尚書稱導淮自桐柏東會于泗沂入于海是也

書曰淮沂其乂

又曰泗濱浮磬淮夷蠙珠

周禮曰橘踰淮而北爲枳此地氣然也

詩曰率彼淮浦省此徐土

孟子曰禹排淮泗而注諸江



焦貢易林曰江河淮海天之奧府衆利所聚可以饒有  
劉向說苑曰莊周貧往貸於魏文侯文侯曰待吾邑粟之  
來而奉之周曰乃今者周之來見道牛蹄中有鮒魚焉大  
息謂周曰我尚可活也周曰須我爲汝向南詣楚王決江  
淮以溉汝鮒魚曰今命在盆甕之中耳乃爲我見楚王決  
江淮以溉我汝卽索我於枯魚之肆矣  
晉陽秋曰秦始皇東遊望氣者云五百年後金陵有天子  
氣於是始皇改曰秣陵塹北山以絕其勢今建康卽秣陵  
西北界所塹卽建康南淮也今謂之秦淮  
淮南子曰夫醉者超江淮以爲尋常之溝也

濟

釋名云濟濟也言源出河北濟河而南也  
水經注及山海經云濟水出河東垣縣王屋山初名沇水

風俗通云濟水出常山房子縣贊皇山此則又是一水耳  
應氏以爲流入濟者非也東出溫縣西北始名濟水

孔安國注尚書泉源爲沇流去爲濟在溫西北平地又東  
南流當鞏縣之北而南入河與河並流過成臯成臯今汜  
水縣

晉書地道志曰濟自大伾入河與河水鬪大伾成臯古成  
臯兼包鞏縣之界溢出爲滎水東流過陽武及封丘縣又  
東過宛胸縣南至定陶縣南又東北流與荷水會東至乘  
氏縣西分而爲二其一東北流入鉅野澤過壽張西與汶  
水合又北過穀城縣西又東北過廬縣北經齊郡東萊郡  
而入海也尚書稱導沇水東流爲濟河水所在也又東北  
會于汶又東北入于海是也

淮南子曰濟水通和宜麥

風俗通曰濟出常山房子贊皇山廟在東郡臨邑縣濟者齊也齊其度量也  
 戴延之西征記曰濟水自大岷入河與河水鬪而東流  
 劉向說苑曰四瀆江河淮濟何以視諸侯能蕩滌垢濁焉  
 能通百川於海焉能蕩出雲雨焉為德甚美故視諸侯  
 周禮冬官曰鸛鶴不踰濟地氣然也  
 左傳曰鄭伯之車僨于濟  
 韓子曰清濟濁河足以為限長城巨防足以為塞齊五戰之國也

太平御覽卷第六十一

太平御覽卷第六十二

地部二十七

渭

鎬

澗

書禹貢曰涇屬渭

詩曰涇以渭濁

傳曰諸侯之大夫從晉侯伐秦以報櫟之役

人毒涇上流師人多死

國語曰恭王遊於涇上密康公從三女奔之其母曰必致

之於王夫獸三為羣人三為衆女三為粲粲美之物汝何

德以堪之康公弗許一年恭王滅密

德以堪之康公弗許一年恭王滅密

史記曰韓聞秦之好興事乃使水工鄭國間說秦令鑿涇水自中山西挖瓠口為渠以溉田三又曰秦二世夢白虎嚙左驂殺之卜涇為祟二世乃齋望夷宮而欲祀之

漢書曰涇雖不在大川之祀以近咸陽得比大川之祀

又曰太始二年趙中大夫白公鄭德曰白姓公爵時人多相謂為公復秦穿

渠因各白渠民得其饒歌之曰山于何所池陽谷口鄭國

在前白公起後舉鋪為雲決渠為雨涇水一石其泥數斗

且溉且糞如淳曰水停淤可以當糞長我禾黍衣食京師億萬之口

益部耆舊傳漢武祀甘泉至涇橋有女子浴於涇水乳長

七尺怪遣問之女曰帝後第七車知我時侍中張寬在第七車對曰天星主祭祀齋戒不潔則女人星見

水經注曰涇水導源安定朝那縣西笄頭山秦始皇巡地

西出笄頭山卽是山也蓋大隴之異名

渭

詩曰我送舊氏于渭之陽

史記曰秦武王三年渭水赤三日昭王十四年又赤三日

洪範五行傳曰赤者火色盡亦以火沴水也渭水秦大川

也陰陽錯亂秦用嚴刑敗亂之象

史記曰西伯獨遇太公渭之陽與語大悅

漢書曰武帝元光六年春穿漕渠通渭

山海經曰渭水出鳥鼠同穴山東注河入華陰北鳥鼠同穴山今

在隴西首陽縣渭水出其東經南安天水略

三輔黃圖曰始皇兼天下都咸陽渭水貫都以象天漢

水經注曰渭水中舊有付留神象此神嘗與魯班語班令

其人出付留曰我貌醜卿善圖物容我不能出班於是拱

手與言日出頭見我付留乃出首班於是以脚畫地付留  
覺之便還沒水故置其象於水中惟背以上立水上  
三輔決錄曰項仲山飲馬渭水日與三錢以償之  
列子曰夸父逐日渴飲渭水不足乃渴死  
淮南子曰渭水多力宜黍

霸

水經注曰霸者水上地名也水東合漚水過白鹿原至秦  
虎圈北入渭

漢書地理志曰霸水出藍田谷古曰滋水秦穆公更名霸  
水以彰霸功

漢書曰漢王元年十月至霸上秦王子嬰降

漚

水經注曰漚水出京兆藍田谷北入于霸

地理志曰漚水出南陵縣之藍田谷西北流與一水合水  
出西南莽谷東北流注漚水水又北歷藍田川北流注于  
霸水又去漚水北至霸陵入霸水也  
兩京記曰西京東市平準署東隅有放生池分漚水渠自  
道政坊東城西流注之俗號海地  
又曰漚水西岸有阪舊名漚阪隋文帝惡阪之名改名長  
樂坡  
漢書地理志曰漆沮既從豐水道同顏師古注曰豐水出  
鄠之南山言沮水既從入渭豐水亦同來也  
水經注曰渭水東與豐水會短陰山無他高山異巒唯原  
阜石墩而已水北舊有便門橋而不受壘洪金  
毛詩文王有聲曰豐水有芑武王豈不仕貽厥孫謀以燕

異子文王曾獲豐水不飲王豈不飲銀瓶精以燕  
文子曰老子云豐水之深十仞而不受塵垢金鐵在中形  
見於外曰豐水東與豐水合流見於外曰豐水東與豐水合流

水經注曰鑄水北承鑄池於昆明池北周武王之所都也  
故詩云考卜維王宅是鑄京維龜正之武王承之鑄水又  
北流與澆池合又北經清冷臺西逕慈石門注于涇鄭玄  
曰豐鑄之閒水北流也

說文曰澆水出扶風鄠北入涇涇水出於新水與自  
山海經曰牛首之山澆水出焉西注於澆水多飛魚

字林曰澆水出杜陵縣

水經注曰澆水上流皇子陂水逕漸臺東入涇亦名沉水  
又名高都水漢王氏五侯大治池宅引高都水入長安城  
故百姓歌之曰五侯初起曲陽最怒決壞高都竟連五杜  
土山漸臺象西白虎是也

伊

水經曰伊水出南陽縣西荀渠山

左傳僖中曰初平王東遷也辛有適伊川杜預注曰辛見  
被髮而祭於野者曰不及百年此其戎乎

山海經曰獨蘇之山伊水出焉東流注於洛今伊水出上

耳山東北至河南洛陽縣入洛

戴延之西征記曰伊水上源經新城陸渾二縣男女無少  
長皆病癭俗云水土所致伊水不可飲也

呂氏春秋曰有莘氏女子採桑得嬰兒桑中其母居伊水

上故命之曰伊尹伊尹伊化

伊尹伊化

伊尹伊化

水經注曰洛水出京兆上洛縣護舉山

地理志洛水出冢嶺山

易上繫曰洛出書聖人則之

易乾鑿度曰王者盛德之應洛水先溫九日乃寒五日變為五色

又曰帝王將起河洛龍見察其首黑者人正白者地正赤者天正

尚書禹貢曰導洛自熊耳在宜陽之西也東北會于澗瀍會于河南城南

又東會于伊合于洛又東北入于河合于鞏之東也

尚書中侯曰武王沉璧于河禮畢退至日旰榮光暮河青雲浮洛

毛詩曰瞻彼洛矣維水泱泱

春秋說題辭曰洛出熊耳山雒之為言釋也釋其燿也宋均

注曰水光燿也

國語曰靈王二十二年穀洛鬪將毀宮室王欲壅之太子

晉曰夫山土之聚也藪物之歸也川氣之導也澤水之鍾

也夫水聚於高歸於下今吾執政無乃實有所僻而滑夫

二川之神王卒壅之王室大亂

又曰伊洛竭而夏亡三河竭而商亡

漢書曰武帝穿渠引洛水岸遂崩乃鑿井深四十餘丈往

往為井井下相通行水

謝承後漢書曰沛國陳宣建武十年雒水出造津城門或

欲築塞之宣諫曰昔王尊正身金堤水退汎聖主耶言未

絕而水去

水經注曰昔黃帝之時天大霧三日帝遊洛水之上見大魚殺五牲以醮之天乃甚雨七日七夜魚流始得圖書未魏略曰漢火行忌水故洛去水而加佳焉山海經云秦買之山洛水出焉東注於河其中有藻玉述征記曰洛水底有礮石故土無冰

灑

水經曰灑水出河南穀城縣北出東與千金渠合又東過偃師入于洛

澗

水經曰澗水出新安縣南白石山東南入于洛又曰三輔決錄注云馬氏兄弟五人共居澗穀二水之交作五門客舍因舍以為名今在河南西四十里以山海經推校里數不殊仲治所記水會尚有故居處斯則澗水也

即周書所謂我乃卜澗水東言是水也

水經曰穀水出弘農澗池縣南蟠冢林穀陽穀也

山海經曰博山之西有林焉曰蟠冢穀水出焉東流注于洛其中多珣玉今穀水出于峭東馬頭山谷陽谷東北流

灑池川

韋昭國語注曰洛水在王城南穀水在王城北東入于灑靈王時穀水盛出於王城西而南流合於洛兩水相格有似于鬪而毀王城西南也

漢沔

尚書禹貢曰江漢朝宗于海也詩曰漢廣德廣所及也文王之化被乎南國美化行乎江漢之域○又曰滔滔江漢南國之紀

又曰南有喬木不可休息漢有游女不可求思  
 左傳曰蔡昭侯為兩珮與兩裘以如楚獻一珮一裘於昭  
 王子常欲之不與三年止之蔡侯歸及漢執玉而沉曰余  
 所濟漢而南者有若大川  
 又曰楚國方城以為城漢水以為池  
 又曰吳師伐郢楚子常濟漢而陣自小別至于大別  
 蜀志少府王謀等上言前襄陽男子張嘉王休獻玉璽璽  
 潛漢水於深淵暉景燭曜璽光徹天  
 孫巖宋書曰漢中城固縣漢水岸際有異聲如雷俄頃岸  
 崩有銅鐘十二出自潛壤體制既精扣之清響  
 韓詩曰鄭交甫過漢皋遇二女妖服珮兩珠交甫與之言  
 曰願請子之珮二女解珮與交甫而懷之去十數步探之  
 則亡矣迴顧二女亦即亡矣

水經注及山海經注云漢水出隴坻道縣嶓冢山初名漾  
 水東流至武都沮縣始為漢水東南至葭萌與羌水合至  
 江夏安陸縣名沔水故有漢沔水之名即周昭王又東至  
 竟陵合滄浪之水即屈原遇又東過三澨水觸大別山南  
 而入江也庚仲雍漢水記曰漢水出廣漢漾水出隴西東  
 而合漢水相合尚書稱嶓冢道漾東流為漢又東為滄浪之水過三  
 澨至于大別南入于江東匯澤為彭蠡東為北江入于海  
 是也匯迴也音胡賄反言漢水合大江迴流入  
 又曰沔水東經萬山北山下有潭中有杜元凱碑元凱好  
 尚後名作兩碑並述己功一碑立峴山一碑沉此潭中曰  
 千載之後何知不深谷為陵也  
 又曰漢水東經西城縣故城為鱣湍洪波潏盪滿浪雲積  
 古者舊言有鱣魚奮鬚望濤直上至此曝鰓因以名湍焉



又曰漢水經西城縣故城南又東為龍泉泉上有胡鼻山石類胡人鼻故也下臨龍井諸泉深數丈盛弘之荊州記曰沔水隈潭極深先有蛟為害鄧遐為襄陽太守拔劍入水蛟繞其足遐自揮劍截蛟數段流血丹水勇冠當時於後遂無蛟患又曰荆蘊玉以潤其區漢含珠而清其域梁州記曰漢水發源隴西氏道縣之蟠冢山東至于夏口合江綿帶四州之城經塗五千餘里謂之沔水水經曰沔水出武都沮縣東狼谷中注曰一名沮水以其初出沮洳然也淮南子曰漢水重安而宜竹箭

太平御覽卷第六十二

太平御覽卷第六十三

地部二十八

河南諸水

|    |    |    |    |    |    |    |    |
|----|----|----|----|----|----|----|----|
| 孝水 | 灋水 | 澗水 | 澗水 | 澗水 | 澗水 | 澗水 | 澗水 |
| 澗水 | 澗水 | 澗水 | 澗水 | 澗水 | 澗水 | 澗水 | 澗水 |
| 澗水 | 澗水 | 澗水 | 澗水 | 澗水 | 澗水 | 澗水 | 澗水 |
| 澗水 | 澗水 | 澗水 | 澗水 | 澗水 | 澗水 | 澗水 | 澗水 |
| 澗水 | 澗水 | 澗水 | 澗水 | 澗水 | 澗水 | 澗水 | 澗水 |
| 澗水 | 澗水 | 澗水 | 澗水 | 澗水 | 澗水 | 澗水 | 澗水 |
| 澗水 | 澗水 | 澗水 | 澗水 | 澗水 | 澗水 | 澗水 | 澗水 |
| 澗水 | 澗水 | 澗水 | 澗水 | 澗水 | 澗水 | 澗水 | 澗水 |
| 澗水 | 澗水 | 澗水 | 澗水 | 澗水 | 澗水 | 澗水 | 澗水 |
| 澗水 | 澗水 | 澗水 | 澗水 | 澗水 | 澗水 | 澗水 | 澗水 |

山海經曰平逢山西十里廐山其陽多璵璠之玉俞隨之

水出于其陰北流注于穀世謂之孝水也  
潘岳西征賦曰澡孝水以濯纓嘉美名之在茲

橐水

陝縣圖經曰橐水即魚水也西北入城百姓賴之呼為利  
人渠是也又按唐史云武德元年陝東道行臺金部郎中  
長孫操自郡東又引水入城以代井汲百姓賴之與上渠  
俱利於民

涑水

十道志曰涑水亦名襄水荆楚之地水駕山而上者皆呼  
為襄水也今土人呼為涑水上流亦呼為襄名即無定故  
陸澄地理記曰襄陽無襄水也又按襄河記云中廬有涑  
水注于河此水中有物如三四歲小兒膝頭如虎掌爪常  
沒水中出膝頭示人小兒不知者欲弄之輒便啖人或人

有生得者摘其鼻可小小使之名曰水虎

菊花源

荊州記曰菊花源傍悉生芳菊被徑浸潭流其滋液水極  
芳馨谷中有三十餘家不穿井仰飲此水上壽二三百中  
壽百餘其七八十者猶不為壽夫菊能輕身益氣令人久  
壽於此有徵矣又後漢胡廣字伯始為侍中久患風羸南  
歸飲此水遂瘳焉

澧水

傳曰晉陽虓父侵蔡楚子上救之與晉夾澧而軍○水經  
曰澧水出南陽魯陽縣西之堯山○張衡南都賦曰其川  
瀆則澧澧藻澧發源巖穴布漫漫汗潏漾洋溢愍激急趣  
箭馳風疾○又曰澧水又東南逕昆陽縣故城昔漢光武  
與王尋王邑戰于昆陽敗之走者相騰踐奔殪百餘里會

大雨如注澧川盛溢虎豹皆股戰士卒爭赴溺死者以萬數水為不流王邑嚴尤陳茂輕騎皆乘舟而渡音對水方

說文曰澧水南陽經衡山東入汝音禮

山海經曰葛山澧水出焉音禮東流于余澤其中多大足魚

漢書地理志曰充縣歷山澧水出焉○水經注曰澧水又

東南注于沅水曰澧口蓋其枝瀆耳又離騷云沅有芷兮

澧有蘭也又有澹水王仲宣贈孫文始詩云悠悠澹澹是

也澹水

汝水

說文曰汝出弘農盧氏還歸山東入淮○春秋說題辭曰

汝出猛山汝之為言女也○宋均注曰女取其生孕也

詩曰汝墳道化行也文王之化行乎汝墳之國

水經曰汝出河南梁縣勉鄉西天息山注曰地理志云出高陵山即猛山也亦言出魯陽縣之大孟山博物志云出燕泉山並異名也

東觀漢記曰傅俊從上迎擊王莽二公於陽關漢兵反走

遂到汝水上於水岸以手飲水澡頰塵垢謂俊等曰今日

罷倦甚諸卿寧憊耶

說文曰穎水出潁川陽城乾山東入淮豫州浸也

水經注曰穎有三源右水出陽乾山之穎谷中水導源少

室左水出少室南谿

漢書曰灌夫潁川人宗族豪橫潁水謠曰潁川清灌氏寧

潁水濁灌氏族

韓子曰鄭人有卜子妻市買鼈歸過潁川以鼈當渴飲之

遂失釐漢人言呂氏春秋曰湯讓天下於下隨下隨自投於潁水

漢書曰高祖入關王陵起兵丹水以歸漢

水經曰丹水出京兆上洛縣冢嶺山至丹水縣入于洧

呂氏春秋曰堯有丹水之戰以服南蠻注曰水出丹魚先

夏至十日夜伺之魚浮水側赤光上照如火網而取之割

其血以塗足可以步行水上長居淵中

尚書逸篇曰堯子不肖舜使居丹淵為諸侯故號曰丹朱

六韜曰堯伐有扈戰於丹水之浦

水經曰白水出朝陽縣西東流過其縣南至新野縣東入

于洧

東觀漢記曰光武皇考封南陽之白水鄉

莊子曰兩神女放白水之上禹過之而趨曰治天下奈何

女曰股無胼脛不生毛足胼脛何足以至司馬彪注言

水經注曰灌水經蓼縣褚先生所謂神龜出於江灌之間

是也是也說文曰澮水出鄭國

水經注曰澮水出鄆城西北雞絡塢下東南流入洧澮字

詩日子惠思我褰裳涉澮子不我思豈無他人

又曰澮與洧方渙渙兮士與女方秉簡兮澮洧鄭兩

孟子曰子產惠鄭國之政以其乘輦濟人於澮洧

洧水

說文曰洧出潁川陽城山東南入潁水經云出密縣馬嶺

山注云洧別源也

詩曰子惠思我褰裳涉洧子不我思豈無他士

傳曰鄭大水龍鬪于時門之外洧淵

時門鄭城門也

水經注曰京水發源京縣黃堆山東亦名祝東泉勢沸湧

狀巨鼎揚湯俗謂之京水也

水經注曰索水出京縣西南嵩渚山與關水同源分流即

索水

古旃然水也左傳謂楚伐鄭次旃然即此水也

史記曰漢王敗於彭城韓信擊破楚兵於京索間以故項羽不能西

濮水

說文曰濮水出東郡濮陽南入鉅野

水經曰瓠子河東北過棗丘縣為濮水

史記曰晉平公令師洧鼓琴未終師曠止之曰亡國之音

也平公曰是何道出荅曰此師延所作也與紂為靡靡之

樂武王伐紂師延東走自投濮水之中故聞此聲必於濮

水之上先聞此聲者國削問果於濮上得之

莊子曰莊子釣於濮水楚王使大夫二人先焉曰願以境

內為累莊子持竿不顧也

水經注曰隕石水

水經注曰隕石水一名漆溝左傳云隕石於宋五

隕星也故老云此水有時竭涸五石存焉故名隕石水墜

處為澤

呂梁水

述征記曰彭城呂縣有呂梁水則莊子所稱丈夫也  
列子曰孔子觀呂梁懸水三十仞流沫三十里鼃鼃魚鼈  
不能遊也見一丈夫游之數百步而出被髮行歌莊子亦載

豪水

水經注曰豪水出陰陵縣之陽亭北小屈石穴北注于淮  
莊子曰莊子與惠子遊於壕梁水上

汧水凡萬切

水經曰汧水出陰溝至浚儀縣北入睢水注云陰溝即浪  
蕩渠也亦言汧受旃然水字今汧又云丹沁亂流於武德絕  
河南入滎陽合故汧兼丹水之稱河洧水斷汧承旃然而  
東自王賁灌大梁水出縣南而不逕其北夏水洪泛則是  
瀆津通故渠即陰溝也於大梁北又曰浚水矣故陳留風

俗傳云浚水逕其北者也

睢水

漢書曰項羽與漢王戰于靈壁東漢軍大敗睢水為之不流  
又地理志曰睢水首受陳留縣浪蕩渠

水經曰睢水東逕睢陽縣又東過相縣南流當蕭縣南入  
淮

又曰睢水又東經睢陽縣故城南積而為蓬洪澤也

又九州要記云睢陽水在宋城西

又云渙水經新城南又東南合明溝水

又曰傳云睢渙之間出文章天子郊廟御服出焉尚書所  
謂厥篚織文者也

泗水

說文曰泗受濟水東入淮

禮曰曾子謂子夏曰吾與爾事夫子於洙泗之間退而老於西河之上

漢書地理志曰洙泗之水其民涉度幼者扶老及魯道衰洙泗之間斷斷如也

論衡曰儒書言孔子葬泗水泗水爲之卻流此虛也泗水無知天神使之卻流孔子生時何不使之尊敬乎

水經注曰地理志曰泗出濟陰乘氏縣又云出卞縣地經言北山皆爲非矣山海經泗水出魯東北余昔因公事泐歷徐沆路經洙泗因令尋其源流水出卞縣故城東南桃墟西北春秋昭公七年謝息納季孫之言以孟氏成邑與晉而遷于桃杜預曰魯國卞縣東南有桃墟世謂之曰陶墟舜所陶處也井曰舜井皆爲非也墟有漏澤方一十五里澤西際阜俗謂之媯亭山蓋有陶墟舜井之言因復有媯

亭之名矣阜側有三石穴廣圓三四尺穴有通否水有盈漏漏則數夕之中傾陂竭澤矣左右居民識其將漏豫以木鄣穴口魚鼈暴鱗不可勝載矣自此連岡通阜西北四十許里岡之西際便得泗水之源也博物志曰泗出陪尾蓋斯阜也石穴吐水五泉俱導泉穴各徑尺餘水源南側有一廟栝柏成林時人謂之原泉祠非所究也又曰漢景帝三年有白鷄鳥與黑鳥群鬪於呂縣白頸鳥不勝墮泗水中死者數千

### 洙水

水經曰洙水出泰山蓋縣臨樂山西南至卞縣入于泗注云洙水西南流盜泉水注云泉出卞城東北卞山之陰論語比考讖曰水名盜泉仲尼不漱又注曰夫子教於洙泗之間今於城北二水之中卽夫子

領徒之所也

從征記曰洙泗二水交於魯城東北十七里闕里有洙泗  
牆南北一百二十步東西六十步四門各有石闕北門去  
洙水百餘步

沂水

說文曰沂水出東海費東入泗一日出泰山蓋青州浸也  
水經曰沂水出泰山蓋縣艾山注曰鄭玄云出沂山或云  
臨樂山水有二源南源所導世謂之祚泉山北水所發俗  
謂之魚窮泉俱東南流合成一川

論語曰暮春之月春服既成冠者五六人童子六七人浴  
于沂風乎舞雩詠而歸

西京雜記曰魯人秋胡娶妻三日而遊宦三年休還其婦  
採桑于郊胡至不識而悅之乃遺金一鎰妻曰妾夫遊宦

未返于茲三年未有被辱如今日也不顧胡慙而退至家  
問妻何在母曰採桑于郊乃是向來挑者也夫妻俱慙遂  
赴沂水而死

尸子曰韓雉見申羊於魯有龍飲於沂韓雉曰吾聞之出  
見虎搏之見龍射之今弗射是不行吾聞也遂射之

郡國志云小沂水今號為長利埭上有橋即張良為黃石  
公取履所

濰水

水經注曰濰水導源濰山許慎吕忱云濰水出箕屋山  
淮南子曰濰出覆舟山蓋廣異名也

史記韓信與楚將龍且夾濰水而陳於此信夜令為萬餘  
囊盛沙以遏濰水引軍擊且偽退且追北信決水水大至  
且軍半不得渡遂斬龍且



汶水

說文曰汶水出琅邪泰山朱虛東入濰又云出泰山萊蕪西南入濟  
 從征記曰汶水出萊蕪縣西南流又言自入萊蕪谷夾路連山百數里水黑多行石澗中出草藥饒松柏林灌綿濠崖壁相望或傾岑岨徑或迴巖池谷清風鳴條山壑俱響陵高降深兼惴慄之懼危溪險徑有懸束之艱未出谷十餘里有別谷在狐山下谷有清泉泉上數丈有石穴二口容人平行入穴丈餘高九尺餘廣四五丈言是昔人居山之處薪爨烟黔猶存谷中林木緻密行人艱有能至矣又有少許山田引灌之蹤尚存出谷有平丘面山傍水土人悉以種麥云此丘不宜殖稷黍而宜麥齊人相承以殖之詩曰汶水湯湯行人彭彭

周禮考工記曰貉踰汶則死地氣然也

論語雍也曰季氏使閔子騫為費宰子騫曰善為我辭焉如有復我者則吾必在汶上矣

傳曰齊人歸我汶陽之田

沭水

水經云沭水出琅邪東莞縣西北山東南經東海厚丘縣梁天監二年三月土人張高等五百餘人相率開鑿此溪引水溉田二百餘頃俗名為紅花水東流入泗州漣水界

淄水

水經曰淄水出泰山萊蕪縣原山注云世謂之原泉

淮南子曰淄澠之水合易牙嘗而知之淄澠齊二水也新序曰齊有田巴先生者行脩於內智明於外齊君聞其賢聘而問政焉田巴對曰政在正身正身之本在於羣臣

大王召臣臣改制前師將造公門問於臣妾曰奚若妾愛  
臣將出門問從者從者畏臣據臨淄水而觀影然後自知  
醜惡也今齊之臣妾諫王者非特二人王如臨淄水見己  
之惡過而能改斯齊國治矣

灑水

水經注曰灑水出營丘城東世謂之漢漆水入于時水  
傳曰有酒如灑

太平御覽卷第六十三

太平御覽卷第六十四  
地理部二十九

河南諸水  
淇水 黃花水 洹水 清水  
漳水 易水 汾水  
滄水 晉水 媯水  
沁水 鴛鴦水 石臼河 滹沱水  
衡水 屯氏河 鳴犢河水  
潁水 窮魚水 漏水 桑乾河  
巨馬河 五渠水 金河  
淇水  
說文曰淇水出河內共北山東入河  
詩曰淇彼泉水亦流于淇

又曰要我乎上宮送我乎淇之上矣

又曰瞻彼淇澳棗竹猗猗

又曰籊籊竹竿以釣于淇淇水悠悠檜檝松舟

韓子曰昔紂爲甲卒百萬左飲馬於淇右飲馬於洹洹水竭淇水不流武王甲卒三千破之

隋圖經曰清淇西自魏郡朝歌縣界入分爲二派一在郡東一在郡西但南流入河案酈元注水經云淇水南與清水合而入白溝石會宿胥皆瀆之名淇又一名王莽河王莽時所穿也

冀州圖經云河水西從河內郡界入至黎陽而東北至臨河西至王莽河出焉又東經澶淵東入武陽河南即東郡界是

水經曰淇水出河內隆慮縣西大號山山海經曰淇水出

沮如山水出山側頽波瀾注衝激橫山山上合下開可減六七十步巨石礫柯交積隍澗傾瀾漭盪勢同雷轉激水散氣曖若霧合

又曰詩云瞻彼淇澳棗竹猗猗毛云棗王芻也竹編竹也漢武帝塞決河斬淇園之竹木以爲用寇恂爲河內伐竹淇川治失百餘萬以輸軍資今通望淇川無復此物唯王芻編草不異

### 黃花水

隋圖經曰黃花水出隆慮縣西北崖上高十七里去地七里懸水東南注壑巖下狀若雞翅俗謂之雞翅蓋天台赤城之流也至谷潛入地下十里復出名曰柳水者是黃花水重源發也其谷號爲黃花谷內有仙母塚谷西有洞穴謂之聖人窟

隋圖經曰洹水出隆慮縣西北俗謂安陽河即聲伯夢涉之所源出林慮山東平地

洹水

清水

水經曰清水出河內脩武縣之北黑山黑山在縣北白鹿山東清水所出也上承諸陂散泉以成川南流西南屈曲瀑布垂巖懸河注壑二十餘丈聲震山谷左右石壁層深獸跡不交隍中散水霧合視不見底其水歷澗流飛清冷洞觀謂之清水矣

溢水

水經注曰溢水發源出石鼓山南巖下泉奮湧若溢水之湯矣其水冬溫夏冷崖上有魏世所立銘水上有祠能興雲雨溢水又東流注于漳又謂之合河

浮圖澄別傳曰石虎時自正月不雨澄詣溢口祠稽首曝露即日二白龍降於祠下於是雨遍千里也

山海經曰神國之山溢水出焉東流注于歐水郭璞注曰金溢水在臨水縣西釜口山經鄴西北至列人縣入于漳其水熱

漳水

說文曰濁漳水出上黨長子鹿谷山東入清漳清漳出沾山大要谷北入河  
呂氏春秋曰史起引漳水灌鄴田民初大怨後轉獲利相與歌曰鄴有聖令曰史公決漳水灌鄴旁終古斥鹵生稻  
風土記云南易水本名漳水源出三門山案趙地記云六國時此水名易水埤蒼及水經云洛水之目不知誰改俗

謂山之下地名洺水因經之故曰洺水案燕趙記云其分有三易漳為南易是  
鄴縣圖經曰濁漳水在縣西水東北津有永樂浦浦西五里俗謂為紫陌河此處即俗巫為河伯娶婦處也  
水經注曰清漳水東經沙縣故有沙河之稱  
又曰濁漳水出北黨長子縣西發鳩山○又云漳水出麓谷山與發鳩連麓而在南淮南子曰謂之發苞山故異名乎見也左則陽泉水注之右則散蓋水入焉三源同出一山但以南北為別耳

又曰尚書所謂覃懷底績至于衡漳也孔安國曰衡橫也言漳水橫流也  
水經曰易水出涿郡故安縣閭鄉西山

燕丹子曰荆軻入秦不擇日發太子送之於易水之上荆軻起為壽歌曰風蕭蕭兮易水寒壯士一去兮不復還  
固安圖經曰易水又名安國河亦名北易水泉山  
汾水

說文云汾水出太原晉陽山西南入河  
山海經曰菅涔之山其山無木而多草其下多玉汾水出焉而流注于河  
十三州志曰出武周燕之燕京山亦菅涔之異名也其山重阜脩岩有草無木泉源導於南麓之下  
莊子曰堯治天下之民平海內之政往見四子於姑射之山汾水之陽窅然喪其天下焉  
說苑曰智伯圍趙襄子於晉陽決晉水以灌之晉陽之城不沒者三版智伯曰吾始知水之可以亡人國汾水可以

灌安邑絳水可以灌并陽

淮南子曰汾水濛濁而宜麻  
水經曰汾水南過冠爵津汾津名也在介休縣之西南俗  
謂之雀鼠谷數十里間道隘水左右悉結編梁閣道累石  
就路縈帶巖側或去水一丈或高五六丈上載山阜下臨  
絕澗俗謂之為魯般橋蓋通古之津隘又亦在今之地嶮

文水

水經曰文水出大陵縣西山文谷東北入于汾注云縣西  
南山下武氏穿井給養井至幽深後一朝水溢平流東南  
注文水

又曰文水又南逕縣右會隱泉水口水出謁泉山之上頂  
俗暘雨愆時是謁是禱故山得其名非所詳也其山石崖  
絕險壁立崖半有一石室去地可五十餘丈爰有層松飾

巖列柏綺望唯西側一處得歷級升陟頂上平地一十許  
頃沙門釋僧光表建二刹泉發於兩寺之門東流瀝石公  
注上下又東津渠隱沒而不恒流故有隱泉之名矣雨澤  
豐澍則通入文水又南經茲氏縣故城東為文湖東西一  
十五里南北三十里世謂之西河在縣直東一十里湖之  
西側臨湖

澮水

水經曰澮水出河東絳縣東澮交東高山注名一名詳高  
山亦曰河南山西南逕翼城北合諸水謂之澮交左傳晉  
悼公謀去故絳欲居郇瑕魏獻子曰不如新田有汾澮以  
流其惡遂居新田又謂之絳蓋在絳澮之陽又西南過虜  
祁宮南入于汾

晉水

水經注曰山海經曰懸饗之山晉水出焉今在縣之西南昔智伯之過晉水以灌晉陽其川上源後人踵其遺跡畜以爲沼沼西際山枕水有唐叔虞祠水側有涼堂結飛梁於水上左右雜樹交陰希見曦景晉川之中最爲勝處

媯水

地記曰河東郡首山之東北山中有二泉水南流者曰媯水北流曰泐水二水西經歷山下異流同歸渾流而注入于河

水經注曰尚書所謂釐降二女于媯泐孔安國曰舜居媯水之泐王肅曰媯泐虞地名皇甫謐曰納二女於媯水之泐馬季長曰水所入曰泐然則泐似非水名則今見有二水異源同歸渾流西注而入于河

沁水

水經曰沁水出上黨涅縣謁戾山注云沁卽洎水也

水經注曰沁水南逕石門石門是晉安平獻王司馬孚之爲魏野王典農中即將之所造也案其表云臣孚言臣被明詔與興河內水利臣旣到檢行沁水源出銅鞮山屈曲周迴水道九百里自太行以西王屋以東層巖高峻天時霖雨衆谷走水小石漂迸木門朽敗稻田汎濫歲功不成臣輒案行去堰五里以外方石可得數萬餘枚臣以爲累方石爲門若天賜旱增堰進水若天霖雨陂澤充隘則閉防斷水空渠衍澇足以成河雲雨由人經國之謀暫勞永逸聖王所許願陛下特出臣表勅大司農府給人工勿使稽延詔書聽許於是夾岸累石結以爲門用代木門矣

鴛聚水

山海經曰解縣南有壇道山山下有水潛出渟而不流俗

為鴛漿水發于上而潛于下厥頂方平有良藥

石臼河

水經注曰漢永平中治呼池石臼河案司馬彪後漢郡國志常山南行唐縣有石臼谷蓋資承呼池之水轉山東之漕自都盧至羊腸倉將憑汾水以漕太原用實秦晉苦役連年轉運所經凡三百八十九隘死者無筭拜鄧訓為謁者監護水功訓隱括知其難立具言肅宗從之全活數千人和喜鄧后之立也訓后叔父陔以為訓積善所致也

滹沱水

禮曰晉人將有事於河必先有事於滹沱  
隋圖經曰滹沱在深澤縣界光武為赤眉所追至滹沱河欲渡導吏還乃言水深無船左右懼上使王霸前瞻水霸恐驚眾乃言冰堅可渡比至神合囊沙布冰上乃渡未畢

數車冰解今名其處為危渡口是也魏改曰清寧河此水常有蛟入五月恒暴遂變為人於岸上與人並行至懸岸處推之與人俱下

衡水

信都記曰衡水亦曰長盧水即濁漳之下流也水有表潭渡歷下博城北而逶迤東北注謂之九爭曲水味鹹苦俗稱苦河亦謂之黃漳河是也

白溝水

信都記曰白溝水地接館陶界隋煬帝導為永濟渠亦名御河南自相州洹水縣界流入又北阿難河出焉蓋魏時阿難所導以利行故瀆故此瀆有阿難之稱矣

屯氏河

注水經曰大河故瀆北為屯氏河



漢書溝洫志曰自塞宣坊河復北決於館陶分爲屯氏河  
廣深與大河等

鳴犢河水

漢書地理志曰河水自靈縣別出爲鳴犢河

溝洫志元帝永光五年河決清河鳴犢口而屯氏河絕滅

湮發水

隋圖經曰湮發水今俗亦名妬女泉大如車輪水色青碧  
百姓祀之婦人不得醜裝衣新彩臨之必興雨雹故云妬  
女介子推妹也

窮魚水

竹書紀年曰晉荀瑶伐中山取窮魚之丘

水經云水出魚山山石若巨魚水發其下

漏水

水經曰漏水一名澧水一名鴛鴦水俗謂之百泉源出龍  
岡縣東南平地以其道源納惣衆泉合成一川故也亦謂  
之鴛鴦水魏都賦所云鴛鴦交谷是也

桑乾河

水經曰桑乾河水潛承太原汾陽縣北燕京山天池也天  
池一名大池俗謂之衣連內在靜樂縣北百四十里注水  
經云桑乾河水潛承燕京之池池在山原之上周迴里餘  
其水澄停鏡淨潭而不流若安定朝那之湫池也池內曾  
無片草及其風籜有淪輒有小鳥翠色投池銜水出會稽  
之耘鳥矣

巨馬河

注水經曰巨馬河卽漆水也東北經郎山西望衆崖競舉  
若鳥翼立石嶮巖似劔戟之狀又南流經刀山層巖直上

于霄望崖側若積刀環

五渠水

邢子勵地記曰後魏延興初文安縣人孫願捕魚於五渠  
水中有群魚從西來共以柴塞之忽有人謂願曰須臾當  
大得魚若願多求宜勿殺也後願下網果得大魚其狀如  
鯉而大願以為異物遂殺食之俄然風雨晝昏唯聞鳥飛  
聲比風息雨霽有人乘船至者云前見群魚無數飛入於  
海願遂不復漁矣因呼入海之處為飛魚口也

金河

郡國志曰雲中郡有紫河鎮界內有金河水其泥色紫故  
曰金河

太平御覽卷第六十四

太平御覽卷第六十五

地部三十

關中諸水

魚龍水

隴蜀諸水

綿江水

黑水

馬池水

江南諸水

鄱陽源水

秦淮水

若不水

不竭泉

戲水

漆水

廉水

粉水

大柳谷水

沮水

沮水

葛溪水

浙江水

霄水

臨水

湫水

巴字水

瀘水

弱水

洮水

漳水

雷水

溢浦水

三江水

紫溪水

靳江水

湫水

巴字水

瀘水

弱水

洮水

漳水

雷水

溢浦水

三江水

紫溪水

靳江水

枉水 沅水 滄浪水 湘水

汨水 五美水 濼水 修仁水

慈廉江

關中諸水

戲水

水經注曰戲水出驪山鴻谷北歷戲亭即周幽王死處西征賦所謂兵敗戲水之上身死驪山之北是也

漆水

山海經曰榆次之山漆水出焉北流注于渭○水經注曰漆水出扶風杜陽南山東北入于渭周大王去邠度漆踰梁山止岐下故詩云自土沮漆又曰率西水濟至于岐下

湫水

史記曰朝那有湫泉即華西名川也蘇林曰泉方四十四

湛然不流冬夏不增不減不生草木能興雲致雨民旱禱之

周地記曰楊班為姚萇將居葦梁谷其西有小谷由來無水夜忽有人聲云湫神移徙借車牛如有影響至西谷中忽有水方二百步其水深淺不測冬夏湛然每水旱百姓祈福屢應也

魚龍水

水經注曰有一水出縣西山人謂曰小隴山其水東北流歷澗注以成潭出五色魚俗以為龍而莫敢捕採謂是水為魚龍水

隴蜀諸水

廉水

宋書曰范柏年梓潼人宋明帝問卿鄉土有貪泉否柏年

日臣梁益之地有廉水讓水不聞有貪泉帝嘉之即拜蜀郡太守一云此水飲之使人廉讓故以名之

孱山水

華陽國志曰涪縣有孱山水其源出金銀礦民得採之又郡國志云漢有金山縣縣東二里有一水瀨有金銀碎珠隨波東注傍水居人採以為藥

巴字水

三巴記曰閬白二水合流自漢中至始寧城下入武陵曲折三曲有如巴字亦曰巴江經峻峽中謂之巴峽即此水也

綿江

遊蜀記曰左綿緋紅三川所尚綿州左綿郡有汙江所染緋紅於此水濯後益鮮故人之所重

粉水

注水經曰越巂粉水導源東流經上粉縣取此水以漬粉則皓曜鮮潔有異衆流故縣人因此取名

瀘水

十道記曰瀘水出蕃中入黔府慈郡界出拓州至此有瀘津關關上有石峯高三千丈四時多瘴氣三四月間發人衝之立死非此時中則人多悶吐唯三月上伏即無害故諸葛武侯征越巂上疏云五月渡瀘深入不毛之地又按地記云今昆明道渡所見有武侯道在又按十道記云水浚急而多巉石土人以牛皮為船方涉津渙

弱水

說文曰弱水自張掖刪丹西至酒泉合黎餘波入于流沙玄中記曰天下之弱者崑崙之弱水焉鴻毛不能起

黑水

張掖記曰黑水出縣界雞山亦名玄圃昔有娥氏女簡狄浴於玄丘之水即黑水也

大柳谷水

魏氏春秋曰明帝青龍三年張掖郡刪丹縣金山大柳谷有玄川溢涌寶石出焉有石馬即魏為晉代之符也

洮水

漢書地理志曰洮水出西差中北至抱罕東入河又沙州記云洮水與墊江水俱出嶺臺山山南為墊江源山東即洮水源也

馬池水

開山圖曰隴西神馬山有泉池龍馬所出水經注云馬池水出上邽西南六十里謂之龍泉谷言神

馬出水事同徐吾是比今有馬池之號也源出嶓冢山

湟水

漢書地理志曰臨羌縣西北至塞外有西王母石室西海鹽池北則湟水所出東至允吾入河語湟河亦名樂都水也縣有土樓山無石而高在縣南又有養女嶺彼羌多禱而祈女又有牛心堆皆湟水源山名

江南諸水

沮水

水經曰沮水出漢中房陵縣淮山東南過臨沮縣至枝江縣入于江注云沮陽縣西北景山即荆山之首也

漳水

山海經曰漳水出臨沮縣東荆山東南過蓼亭又南過章

鄉南至枝江縣北入于沮傳曰江漢沮漳楚之望也  
王仲宣登樓賦曰夾清漳之通浦倚曲沮之長洲

水經曰南經大雷戍西注大江謂之大雷口一派東南流  
入江謂之小雷口也宋鮑明遠登大雷岸與妹書乃此地  
又孝子傳云孟宋為雷池監作鮮一器以遺母母不納  
豫章圖經曰蜀水在豐城縣北按漢書地理志云蜀水源  
出縣內小界山東東流入南昌縣漳水合耆老傳云仙人  
許遜為蜀旌陽縣令有奇術晉末人皆疾癘多往蜀請遜  
請救遜與一器水投於上流疾者飲之無不愈也邑人敬  
其神異故以蜀水為名

鄱陽源水

鄱陽記曰鄱陽源是吳芮所居處鄉人祭之為立祠堂東

有石澗深三尺鄉人將牲牢告啓擊鼓三通其水衝出大  
流隨用並足

葛溪水

鄱陽記葛溪水源出上饒縣靈山西昔歐冶子居其溪側  
以此水淬劍傳之於此後又有葛玄家焉因曰葛溪水

溢浦水

郡國志曰溢浦水有人此處洗銅盆忽水暴漲乃失盆遂  
投水取之即見一龍銜盆遂奮而出故曰盆浦水也  
蕭子顯齊書曰世祖治溢城得尺五刀十一口永明享曆  
之數也

甘泉水

九江圖經曰甘泉水在縣南甘泉驛之南其水味甘飲訖  
猶有餘香因以名焉其山即曰甘泉山按州圖經云昔山

太平御覽 卷六十五 五  
頂有船桅從頂沿流而下土人亦名爲桅下溪栢伊爲江  
州刺史常遣左右資糧尋山之奧異觀非常乃至一處見  
有大湖湖側有敗船當時聞有桅流下甚疑惑後聞有船  
方驗

秦淮水

江寧圖經曰淮水北去縣一里源從宣州東南溧水縣烏  
利橋西八百五十里  
輿地志云秦始皇巡會稽鑿斷山阜此淮卽所鑿也亦名  
秦淮水孫盛晉陽秋亦云是秦所鑿王導令郭璞筮卽此  
淮也又稱未至方山有直瀆行三十許里以地形論之淮  
發源諱屈不類人功則始皇所掘宜此瀆也  
丹陽記云建康有淮源出華山入江  
徐爰釋問云淮水西北貫都○輿地志云淮水發源於華

山在丹陽湖姑熟之界西北流經建康秣陵二縣之間縈  
紆京邑之內至于石頭入江懸流三百許里

浙江水

山海經曰浙江出三天子都在率東西北入海餘暨南郭  
璞注云按地理浙江出黟縣南率中東入海今之浙江是  
也率卽歙耳餘暨縣名

虞喜志林注曰今錢塘江口折山正居江中潮水投山下  
折而曲一云江有反濤水勢折歸故云浙江史記云江水  
至會稽山隱爲浙江是也

三江水

郡國志曰禹貢三江吳郡南松江錢唐江浦陽江是也禹  
貢曰三江旣入震澤底定韋昭曰三江謂吳郡南松江錢  
塘江浦陽江

虞氏志林云江於彭蠡分爲三是卽韋說爲謬按江自太湖出于海屈曲七百里出鱸卽吳左慈爲王釣者外此發  
輿地志曰穀江水其水波瀾交錯狀似羅縠之文因以爲名  
輿地志曰南岸曰上若北岸曰下若乃村名也村人取若  
下水以釀酒醇美勝於雲陽  
吳錄曰長城若下酒  
張協七命云荆南烏程卽此酒也  
輿地志曰雪水亦若水之異名也水深不可測俗謂之若  
水京邑之內至千石甌人取雪水三百石里  
又山海經云浮玉之山若出其陰中多魮魚今亦謂之雪

烏水是也

紫溪

吳興記曰邑有文山水東流南爲紫溪輿地志云以爲水  
紫色也又云紫溪中央水有赤色盤石長百餘丈望之如  
霞名曰赤瀨水

公山江水

郡國志曰公山江水有橋自然泛來行人噉之恣飽則可  
將去則病

不竭泉

永嘉地記曰山北有泉衆泉旱竭此泉不乾故以名山東  
有瀑布長數十丈遊者云山頂有大湖中有孤巖獨立皆  
號孤房

臨水



湘州記曰臨水經臨賀縣東又南至郡左以合賀水故有臨賀之稱焉

湘州記曰新江在新東縣西八里水出衡山縣界紫嘉山東流入湘江二百八十里昔楚大夫靳向所封之地因以名之

資水 湘州記曰資水一名茱萸江

又水經云資水東北過益陽應劭曰縣在益水之陽今無益水或資水之殊目 郡國志云資水岸有石頭城即吳將周瑜築也

枉水

湘州記曰枉山在郡東十七里有枉水出焉山西漢溪口

有小灣謂之枉渚山上有楚祠存焉

沅水

水經曰沅水出牂牁且蘭縣為旁溝水東北至潭城縣為沅水

又曰沅水之北有奇山山有秀峯上綠拔蘿濛幕頽巖臨水實釣渚漁詠之勝也其幽響若鍾音信神仙之所居

滄浪水

永初山川記曰漢水古為滄浪即漁父所云滄浪之水清今滄浪水合流出譚城北界山此蓋後人名之非古滄浪也

湘水

說文曰湘水出零陵陽海北入江 湘中記曰湘水至清雖深五六丈見底了了然石子如擗

蒲矣五色鮮明白沙如雪赤岸如朝霞綠竹生焉上葉甚  
密下踈遼常如有風氣此八五  
淮南子曰所謂樂者豈必射釣瀟湘○水經注曰湘水又  
經南津城西對橘州諺曰昭潭無底橘洲浮  
又按郡國志云湘水邊有水魚山本名立石山高八十丈  
闊十里石色黑而重疊每發一重則有自然魚形女人多  
刻畫爲戲長數寸燒之魚膏腥

水經注曰汨水西經玉笥山又西爲屈潭即羅潭也屈原

懷沙自沉於此故潭以屈爲名賈誼史遷皆嘗經此弭楫  
汨波投弔於潭

### 五美水

湘中記曰五美水在長沙縣東二十五里光武時有五美

女居於此溪之側後因爲名

### 灘水

臨桂圖經曰灘水出縣南二十里柘山之陰西北流至縣  
西南合零渠五里始分爲二水昔秦命御史監史祿自零  
陵鑿渠出零陵下灘水是也

郡國志稱後漢伏波將軍馬援開湘水爲渠六十里穿度  
城今城南流者是因秦舊瀆耳至寶曆初渠道崩壞舟楫  
不通觀察使李渤遂壘石造堤分二水每水置石斗門一  
使制之在人開閉開灘水則全入於桂江擁桂江則盡歸  
於湘水

### 修仁水

始興記曰修仁水西南注連水北有三楓亭五渡水齊范  
雲爲始興太守至修仁水酌而飲之賦詩曰三楓何習習

五渡何悠悠且飲修仁水不挹階邪流  
交州記曰慈廉江者昔有李祖仁居此兄弟十人並慈孝  
廉讓因此名江

太平御覽卷第六十五  
水皆奉命唯史記史記自  
水皆奉命唯史記史記自

文以飲其地之...

太平御覽卷第六十六

地部三十一

廣雅曰湖池也

說文曰湖大陂也

史記曰三苗氏左洞庭右彭蠡德義不修舜滅之此在德

不在險

晉書曰陳訓少學天文孫皓以為奉禁都尉知皓必敗時

錢塘湖開或言天下當太平青蓋入洛皓以問訓對曰臣

能望氣不達湖開塞退告友曰青蓋入洛將有昇觀銜璧

之事非吉祥也

宋書曰會稽太守孟顛事佛精懇而為謝靈運所輕嘗謂

顛日得道應須惠業文人生天當在靈運前成佛必在靈運後顛深恨之會稽東郭有迴踵湖靈運求決以為山顛堅執不與又求始寧岷嶲湖為田顛又固執靈運謂顛非存利民正慮決湖多害生命言論毀傷與顛遂構讎隙唐書曰褚無量字弘度杭州鹽官人也幼孤貧厲志好學家近臨平湖時湖中有龍鬪傾里閭就觀之無量時年十二讀書晏然不動

風俗通曰湖都也流瀆四面所限都也周官揚州其浸五湖案張勃吳錄五湖者太湖之別名以其周行五百餘里故以五湖為名虞翻又云太湖有五湖或說以太湖射貴湖上湖洮湖塘湖在義烏瀆切湖為五湖案國語吳越戰於五湖直在笠澤一湖中戰耳則知或說非也隋大業記曰五月夏至前三五日吳郡太湖中白魚向湖

側淺水菰蒲之上產子民得採之隋時貢於洛

揚州記曰太湖一名震澤一名笠澤一名洞庭史記三苗

庭右彭蠡裴駮注云令湖中苞山有石穴其洞深無知其極者名洞庭洞庭對曰彭蠡則知因此穴之名通呼洞庭

彭蠡即宮庭湖各也越絕書云太湖周三萬六千里在吳興也

荆州記曰宮亭即彭蠡澤也謂之彭澤湖一名匯賄孩澤

在豫章郡青草湖一名洞庭湖洞庭湖亦謂之雲夢澤一名巴

丘湖凡此並昭昭尤著又廣大也

干寶搜神記曰由權縣秦時長水縣始皇時童謠曰城門有血城當陷沒為湖有嫗聞之朝往窺門將欲縛之嫗言其故後門侍以犬血塗門嫗見血走去忽有大水欲沒縣主簿令幹入白令令曰可忽作魚幹曰明府亦作魚遂淪為湖

鄭緝之永嘉記曰懷北縣有蔣公湖父老云先代有祭祀

祈請者湖輒下大魚與之

秦州記曰武都郡前有湖義熙初有白龍於湖升天

盛弘之荊州記曰宮亭湖廟神甚有靈驗塗旅經過無不

祈禱能使湖中分風而帆南北

又曰巴陵南有青草湖周迴數百里日月出沒其中湖南

有青草山故因以爲名

劉澄之荊州記曰華容縣東南有雲夢澤一名巴丘湖荊

州之藪也  
劉澄之豫州記曰陳縣地有芍陂湖魏將王陵與吳將張

休交戰處也

黃閔武陵記曰有湖名爲丹陂周迴數百頃清波澄映洲

嶼相望

武昌記曰武昌長湖通江夏有水冬則涸于時靡所產植

陶太尉立塘以遏水於此常自不竭因取琅琊郡隔湖魚

菱以著湖內菱甚甘美異於他故所產鮒魚乃長三尺

劉道真錢塘記曰明聖湖在縣南去縣三里父老相傳有

金牛時見神化莫測故以明聖垂名

西京雜記曰顧朝少失父事母好食雕胡飯常帥子女躬

自採擷還家導水鑿川供養每有盈儲家近太湖湖中乃

生雕胡無復雜草蟲鳥不敢至焉遂得以爲養郡縣表其

閭舍

江乘地記曰隔湖中有嘉魚美蓐

劉欣期交州記曰有一湖去舍浦四十里每陰雨日百姓

見有銅船出水上又有一牛在湖中以鷄酒爲祭便大獲

魚若此禮不設唯得牛糞而已

述征記曰相沖爲江州刺史遣人周行廬山巽觀靈異旣

陟崇巘有一湖匠生桑樹有白鵠湖中有赤鱗魚使者渴極欲往飲有羣白鱗魚張鬚向之使者不敢飲南康記曰廬山上有平湖湖中有鴈音使底浮在湖中動搖便風雨

鄭緝之東陽記曰北山去郡三十餘里有赤松廟故老相傳云其下有居民曰徐公者嘗登嶺至此處見湖水二人共博於湖間自稱赤松子安期先生有一壺酌酒以飲徐公公醉而寐其側比醒不復見

劉澄之豫州記曰城父縣有巢湖湖周五里湖中有三山湖南有四鼎山

戰國策曰秦與荆戰大破之取洞庭五渚

吳地記吳王葬女取土成湖○又郡國志云三女墳在郭西云闔閭食蒸魚羹留半賜三女三女怨自殺王痛之葬

於郭西文石為椰金印玉牒銀罇朱盤悉以送葬又云盤郢之劍或曰湛鑪之劍夜飛適楚以水繞墳因名女墳湖又云葬女時有白鶴舞吳市因入羨門悉化為犬

錢塘記曰去邑十里有詔息湖古老相傳昔秦始皇巡狩經塗暫憩因以詔息為名

周景式廬山記曰山頂有一窮湖湖足鱗尾鯉鬚皆傷剝而又有一故艚槽崇山峻遠非舟楫所游豈深谷為陵而此物不與丘壑同遷乎

顧微廣州記曰廬山上有湖至甲戌日輒聞山有鼓角聲劉澄之揚州記曰新城縣東有俱山山上有湖湖中有白鵝一隻時時飛來不可常見

劉楨京口記曰龍目湖秦王東游觀地勢云此有天子氣使赭衣徒鑿湖中長岡使斷因改為丹徒今水北注江也

梁典曰武帝望京峴山盤紆似龍掘其石為龍目二湖  
 徐州先賢傳曰勾踐滅吳謂范蠡曰吾將與子分國而有  
 之蠡曰君行令臣行意乃乘扁舟浮五湖而不返  
 水經注曰武強縣者宿云邑人有行於途有一小蛇疑其  
 有靈持而養之名曰擔生長而吞噉人里中患之遂捕繫  
 獄擔生負而奔邑淪為湖縣長及吏咸為魚矣今縣東北  
 半許里有淵謂之郎君淵者宿又言縣淪之日其子東奔  
 又陷於此故淵得郎君之目矣  
 神異經曰北方荒外有湖方千里平滿無高下有魚長七  
 八尺刑狀如鯉而目赤晝在湖中夜化為人刺之不入煮  
 之不死以烏梅二七煮之即熟食之可以愈邪病  
 又曰北方荒中有石湖方千里無凸凹上直結反下於交反平滿無  
 高下岸深五丈餘恒冰唯夏至左右五六十日解耳

又曰東南海中烜洲上有溫湖其中唯有鯽魚焉長八尺  
 食之宜暑而避寒  
 郡國志曰潤州邊陂有湖名龍目湖京口出好酒人習戰  
 故相溫云京口土瘠人饑無可戀唯酒可飲兵可用耳  
 會稽記曰漢順帝永和五年會稽太守馬臻創立鏡湖在  
 會稽山陰兩縣界築塘蓄水高丈餘田又高海丈餘若水  
 少則洩湖灌田如水多則開湖洩田中水入海所以無凶  
 年堤塘周迴三百一十里溉田九千餘頃  
 又會稽記云創湖之始多淹塚宅有千餘人怨訴於臺臻  
 遂被刑於市及臺中遣使按鞠摠不見人驗籍皆是先死  
 亡人之名又按輿地志云山陰南湖縈帶郊郭白水翠巖  
 互相映發有若圖畫  
 南徐州記曰子英常於芙蓉湖捕魚得赤鯉持歸以穀養

一年遂生角翅魚云我來迎汝子英騎之即乘風雨騰而上天故列仙傳云每經數載來歸見妻子魚復來迎如是數十迴而不還芙蓉湖即射貴湖也又名上湖

吳地記曰臨平湖在臨平山南

吳志曰歸命侯天璽元年吳郡言臨平湖自漢末草穢壅塞今更除平古老相傳云此湖塞天下亂此湖開天下平又湖邊得石函函中有小石青色長四寸廣二寸餘刻上作皇帝字於是改年大赦俄而晉平吳孫盛以爲元皇中興之符

歙縣圖經曰黃墩湖在縣西南其湖有蜃常與呂湖蜃關程靈銑好勇而善射夢蜃化爲人告之曰吾爲呂湖蜃所厄君能助吾必厚報束帛練者吾也明日靈銑彎弧助之正中後蜃不知所之後人名其處爲蜃灘時有一道人詣

靈銑母求食食訖曰勞母設食今當爲求善墓地使母隨行上山以白石識其地曰葬此可以暴貴矣靈銑因移父葬其所侯景亂靈銑率郡鄉萬餘衆保新安因隨陳武帝有奇功及陳武受梁禪靈銑以佐命功臣與周文昱侯安都爲三傑按靈銑宅在湖東二里

徐爰釋問曰玄武湖本桑泊晉元帝創爲北湖宋以隸丹陽○京都記云從北望鍾山似宮亭湖望廬岳齊武帝理水軍於此中號曰昆明池故沈約登覆舟山詩云南瞻儲胥館北望昆明池即此爾永嘉末有龍見於湖內故改爲玄武湖

豫章記曰擔石湖在州東北其湖水中有一石山有孔如人穿擔狀古老云壯士擔此兩石置湖中因以爲名輿地志曰安成有蜜湖中有絲蓴鮒魚爲時所重并有石



窟容百人坐其魚味甘如蜜因此爲名在縣東二十里  
淮南子曰夫歷陽之都一夕化而爲湖勇力聖智與不肖  
者同命無遺脫也  
荆南志曰高沙湖在枚迴洲上翠澤平晶湖了水陸彌曠  
芰荷躬生鱗羽滋阜湖南林野清曠可以栖託故徵士宗  
炳昔常家焉北有小水自湖通江謂之曾口是也  
渚官故事曰江陵城西二十里高沙湖其中多魚  
又曰五葉湖昔湖側有主人張披五葉同居因以爲名  
九江記曰彭蠡湖在尋陽縣東南與都昌縣分界湖心有  
大孤山案郡國志彭蠡湖周迴四百五十里內有石高數  
十丈大禹刻其石以記功焉又有乞烏隨船行舟人擲搏  
飯接之高下不失一粒今此烏泔江靈廟多有不獨在彭  
蠡湖爾

郡國志曰鶴門湖者陶侃微時喪母忽有二客來弔化爲  
雙白鶴飛去後因以爲名

丹陽記曰吳孫皓寶鼎元年丹陽縣宣騫之母年八十浴  
於後湖化爲龜後湖又名練湖在縣北百

輿地志曰曲阿出名酒皆云後湖水所釀故醇烈也今按  
湖水上承丹徒陳驪覆船山馬林溪水色白味甘

輿地志云練塘陳敏所立邊高陵水以溪爲後湖

語林曰褚公遊曲阿後湖狂風忽起船傾褚公已醉乃曰  
此舫人皆無可以招天譴者唯有孫興公多塵滓正當以  
厭天欲耳便欲捉孫擲水中孫懼無計唯大呼曰季野卿

念我褚公褚彦回也

伏滔登故臺詩序曰夫差姑蘇臺東有丹湖萬頃內有金  
銀塘

太平御覽 卷之六十一  
方輿記曰銅船湖馬援鑄銅船五隻一留此湖中四隻將  
過海征林邑

潭

幽明錄曰碩縣下有眩潭以視之眩人眼因以為名傍有  
田陂昔有人船行過此陂見一死蛟在陂上不得下無何  
見一人長壯烏衣立於岸側語行人云吾昨下陂不過而  
死可為報眩潭行人曰眩潭無人云何可報烏衣人云但  
至潭便大言之行人如其旨須臾潭中有號泣聲

又曰晉元熙中桂陽郡有一老翁常以釣為業後清晨出  
釣遇大魚食餌掣綸甚急船人奄然俱沒家人尋喪於釣  
所見老翁及魚並死為釣綸所纏魚腹下有丹字文曰我  
聞曾潭樂故從檐潭來磔死弊老翁持釣數見欺好食赤  
鯉鱸今日得汝為

荆州圖記曰武當縣西北六里江中名恨子潭潭中有石  
磧洲長六十丈世傳恨子未曾從父命父臨終欲葬山上  
故諺曰葬我水中恨子唯從此命習鑿齒記云恨子是漢  
時人家在山東五女微

鄧德明南康記曰梓潭有梓樹洪直巨圍葉廣丈餘垂柯  
數畝

又曰贛潭在郡下昔有長者於此潭以釣為事恒作漁父  
歌其聲慷慨忽綸動須臾一物形似小水牛眼光如鏡或  
言水岸浮躍逐綸角帶金縑釣客因引得鑲出水數十丈  
鑲斷餘數丈盡是珠寶  
羅浮山記曰牛潭深洞無極北岸有石周圍三丈許漁人  
見牛自水而出盤於此石  
抱朴子曰昔石頭水有大鼃常在潭中因名此為鼃潭能

太平御覽  
卷第六十六  
作魅行病於人吳有道士載駟者乃以越章封渥遍投潭  
水中良久有大龜徑長丈餘浮出不敢動乃格殺之而病  
人並愈又有小龜出羅列死於水渚甚多  
南康記曰梓潭山在雩都縣之東南六十九里其山有大  
梓樹吳王令都尉蕭武伐爲龍舟舳斫成而牽引不動占  
云須童男女數十人爲歌樂乃當得下依其言以童男女  
牽拽潭沒于潭中男女皆溺其後每天晴則淨髮髷若見  
人船焉夜宿潭邊或聞歌唱之聲因號梓潭焉  
鄱陽記曰懷蛟水一名孝經潭在縣南二百步江中流石  
際有潭往往有蛟浮出時傷人焉每至五月五日鄉人於  
此江水以船競渡俗云爲屈原禳災承前郡守縣綵以賞  
之刺史張栖貞以人之行莫大於孝懸孝經標竿上賞之  
而人知勸俗號爲懷蛟水或曰孝經潭

湘州記曰益陽有昭潭其下無底湘水最深處也或謂周  
昭王南征不復沒於此潭因以爲名

太平御覽卷第六十六

太平御覽卷六十七  
 廣雅曰沼池也  
 說文曰涅城池也有水曰池無水曰隍  
 詩曰東門之池可以漚麻  
 又曰王在靈沼於物魚躍  
 韓詩外傳曰齊景公出弋昭華之池  
 傳曰齊伐楚楚子使屈完對曰楚國方城以爲城漢水以  
 爲池齊雖衆無所用之  
 史記封禪書曰秦始皇遊海上祠名山大川及八神仙人

太平御覽卷六十七

地部三十二

廣雅曰沼池也

說文曰涅城池也有水曰池無水曰隍

詩曰東門之池可以漚麻

又曰王在靈沼於物魚躍

韓詩外傳曰齊景公出弋昭華之池

傳曰齊伐楚楚子使屈完對曰楚國方城以爲城漢水以

爲池齊雖衆無所用之

史記封禪書曰秦始皇遊海上祠名山大川及八神仙人

太平御覽

卷六十七

羨門之屬八神一日天齊祠天齊天池名臨南郊山  
 漢書曰昆明池漢武帝元狩三年所穿也初漢欲求身毒  
 國為昆明池夷所閉昆明有滇池方三百里名曰滇河漢  
 將伐昆明以通身毒使謫卒伐棘上林象滇河作昆明池  
 以習水戰池周迴四十里漢武帝平昆明以其地為益州  
 郡其滇水原深廣未反淺狹有  
 似倒流故曰滇河潘岳關中記曰昆明池蓋堯時已有  
 中有靈沼神池云堯時理水說停船此池蓋堯時已有  
 池漢代因而深廣耳曹毗志怪云漢武鑿昆明池極深悉  
 是灰墨無復土舉朝不解以問東方朔朔曰臣愚不足以  
 知之可試問西域胡帝以朔不知難以核問至後漢明帝  
 時外國道人入來洛陽時有憶方朔言者乃試以武帝時  
 灰墨問之胡人云經云天地大劫將盡  
 則劫燒此劫燒之餘乃知朔言有旨  
 又曰昭帝元始元年春三月黃鵠下建昌宮太液池  
 又曰宣帝詔曰池籩未御幸者蘇林曰折竹以繩綿連若  
 禁籩使人不得往來也  
 假與貧民郡國宮館勿復修治  
 又曰宣帝神爵元年詔曰金芝生于涵德殿銅池中銅作

魏志曰太祖還鄴作玄武池以肄舟師  
 晉書曰山簡優遊卒歲唯酒是耽諸習氏荆土豪族有佳  
 園池簡每出嬉遊多之池上置酒輒醉名之曰高陽池時  
 有童兒歌曰山公出何許往至高陽池日夕倒載歸酪酊  
 無所知時時能騎馬倒着白接離舉鞭問葛疆何如并州  
 兒疆家在并州簡愛將也  
 又曰荀勗久在中書專管機事失之甚怏怏或有賀之者  
 勗曰奪我鳳皇池諸君賀我耶  
 後魏書曰文明皇太后馮氏與高祖幸靈泉池醺羣臣太  
 后忻然歌高祖亦和歌者九十人  
 唐書曰蔣鎰為諫議大夫時戶部侍郎判度支韓滉上言  
 河中鹽池生瑞鹽實土德之上端上以秋霖稍多水潦為  
 患不宜生瑞命鎰馳駟檢按之鎰奏與滉同仍上表賀請

宣付史館并請置神祠錫其號寶應靈慶池  
 又曰文宗用鄭注言卽命左右神策軍差人淘曲江昆明  
 二池仍許公卿士大夫之家於江頭立亭館以時追賞  
 遁甲開山圖榮氏解曰降北有陽石山中有神龍池黃帝  
 時遣雲陽先生養龍於此帝王歷代養龍之處國有水旱  
 不時祀池請雨  
 晉宮閣名曰靈芝池廣長百五十步深二丈上有連樓飛  
 觀四出閣道釣臺中有鳴鶴舟指南舟  
 袁山松宜都記曰佷山縣東六十里有山名下魚城四面  
 絕崖唯兩道可通餘皆峻嶮山上周迴可二十里有林池  
 水民田種於山上昔永嘉亂土人登此避賊賊守之經年  
 食盡取池魚擲下與之示不窮賊遂退散因名世爲下魚  
 城

辛氏三秦記曰昆明池通白鹿原人釣魚綸絕而去夢於  
 漢武求去其鈎明日戲於池見大魚銜鈎帝去其鈎而放  
 之閒三日帝復遊池濱得明珠一雙武帝曰豈昔魚之報  
 也  
 湘州記曰湘南縣有架山下有小池常涸竭民齋戒往請  
 自然而滿事訖還乾  
 雷次宗豫章記曰去洪井六七里有風雨池山嶠水出激  
 着樹木星散遠灑如風雨焉  
 襄陽記曰峴山南有習都太魚池依范蠡養魚法當中築  
 一釣臺將亡勅其兒曰必葬我近魚池山季倫每臨此輒  
 大醉而歸  
 臨川記曰崇仁縣有鹹池按陳書司空黃法蕪音字仲昭  
 崇仁縣巴山人也侯景亂法蕪於鄉里聚徒以助高祖有

功墓墓在崇仁縣巴山鄉故老相傳法麤有奇術常欲變置鹽池於家山之下幅員六十餘畝至今水味獨鹹於他水而湛然清潔禽畜不敢觸之

西京雜記曰梁孝王好宮室苑囿之樂作曜華之宮築兔園園中有靈山山安膚寸石又有鴈池池中鶴洲鳧渚奇果異樹瑰禽恠獸畢備王日與宮人及賓客弋釣其中

又曰積草池中有珊瑚樹高一丈二尺一云三柯上四百六十二條是越國主趙他所進號為烽火樹至夜光景照焉

迹征記曰廣陽門北有魏明帝流杯池

穆天子傳曰天子西征于玄池天子三日休于玄池之上天子乃樹之竹種竹是曰竹林

又曰天子觴西王母于瑤池上西王母為天子歌白雲謠

三輔故事曰漢武帝作昆池武帝崩後於池中養魚以給諸陵祠餘付長安市池有二石人如牽牛織女像又曰未央宮西有食池池中有臺王莽死於是也廣州先賢傳曰丁密字靖公蒼梧人父艱哭泣三年飛鳥一雙游密廬傍小池

郡國志曰晉州臨汾縣臭水池下畜不飲一名饒鑊池即煑眉閒赤頭虺鑊因成池今水上猶有脂潤

又曰成都郡秦惠王二十七年使張儀築以象咸陽沃野千里號曰陸海有萬歲池是築城取土處

又曰合浦海曲出珠號曰珠池又有夷人號越龜多採甲香為業

呂氏春秋曰衛靈公天寒鑿池宛春諫曰天寒公曰天寒乎宛春日公衣狐裘坐熊席陬隅有竈是以不寒

淮南子曰陰氣極則下至黃泉故不可鑿池穿井

世說曰晉明帝欲作池臺元帝不許之明帝爲太子養武士一夕中作比曉便成卽今謂太子池是也

又曰太原王國寶治宅因浚池忽見一物如酒杓形長四尺許飛去

水經注曰隴西神馬山有淵池龍馬所生卽是水西流謂之馬池

又曰蔡州西卽蔡倫故宅傍有蔡子池倫漢黃門郎順帝之世始擣故魚網爲紙用代簡素自其始也

又曰滇池中有神馬家馬交之則生駿駒日行五百里顧子曰與子華遊於東池子華曰水有四德池爲一焉沐

浴羣生流澤萬世仁也揚清激濁盪滌塵穢義也弱而難勝勇也導江疏河變盈流謙智也顧子曰我得汝於池上

矣

方輿記曰興元府南鄭縣天池山上有池方二十里冬夏不竭久飲之可愈痼疾故號天池

又曰梅福池一名風雨池梅福種蓮池福歎曰生爲我酷身爲桎梏形爲我辱智爲我毒於是奔南昌縣尉去妻子

入洪崖山得道爲神仙代有人見或在玉笥山逢之今西山有梅君壇南昌開元觀有梅君堂焉

又曰明月池在興道縣西北中有一臺云是漢高所營注水經云形如偃月故號明月池

又曰七女池昔有人無男而養七女父亡七女負土葬父取土之處今成一池號曰七女池今池邊又有七女塚

谿

尚書大傳曰呂尙釣於磻溪得魚腹中有玉璜



春秋說題辭曰谿者隱也深虛繞山令得博也宋均曰無水曰谷有谿

爾雅曰水注川曰谿

栢彛別傳曰彛字茂倫明帝世彛與當時英彥名德庾亮溫嶠羊曼等共集青谿池上郭璞預焉乃援筆屬詩以白四賢并自序

武昌記曰樊山東有小谿夏時凜凜恒有寒氣故謂之寒谿

王韶之始興記曰連水下流有樹谿一日十溢十竭

盛弘之荊州記曰鄖縣北五千里有菊谿源出石澗山有甘菊村人食此水多壽

又曰零陵郡西有渡谿山獸從數十里往飲之經越他水皆不飲傍有半石坑上石形極方峭名爲仙人樓

又曰桂陽郡橫谿谿水甚深冬夏不乾俗謂之爲貪泉也

郡西南五十里有萬歲山有石室出鍾乳山上悉生靈壽

木下有一谿名爲千秋水其傍有居民卽號萬歲村

管子曰栢公北征孤竹迴車未至卑耳之谿援弓而射未

敢發謂左右曰見前人乎對曰不見公曰寡人見人長尺

而人物具焉管仲曰臣聞霸王之君興而登山神見公拜

曰仲父之聖若此

俗說曰鄒僧施青谿中汎舟一曲處輒作一篇詩謝益壽

見詩嘆曰青谿中曲復何可窮

水經注曰磻溪即太公釣所也石壁深高幽泉邃密林障

秀阻亦人罕及東南隅有石室蓋太公所居也水次平石

即太公垂釣之處也其水清冷神異北流注于渭

又曰長陽谿源石穴中有神魚大者二尺小者一尺居民

釣魚先陳所須多少拜而請之拜訖投釣得魚過數者水輒波涌暴風卒起樹木摧折水側生異花路人欲摘者皆當先請不得輒取

又曰白馬谿水出宜陽山有大石厥狀似馬故谿澗以物色受名也

又曰向城有水二源俱北流合爲一川名天漿谿又曰閩中有徐登者女子化爲丈夫與東陽趙昞並善越方時遭兵亂相遇於谿各矜其所能登先禁谿水爲不流昞次禁枯柳爲生蕘二人相視而笑登年長昞師事之後登身故昞東入章安百姓未知昞乃升茅屋檣鼎而褻主人驚怪昞笑而不應屋亦不損人嘗臨水求渡船人不許昞乃張蓋坐中長嘯呼風亂流而濟於是百姓神服從者如歸

又曰山陰縣西四十里有二溪東溪廣一丈九尺冬暖夏冷西溪廣三丈五尺冬冷夏暖二溪北出行三里至徐村合成一溪廣五丈餘而溫涼不雜蓋山經所謂茗水也

又曰朐腮縣有龜溪出靈龜咸熙元年獻龜於相府言出自此溪也

郡國志曰豫州吳房縣吳王闔閭之弟夫槩王朝楚楚封之於堂溪

又曰王昭君秭歸人也有香溪卽昭君遊翫之處又曰資陽縣有鑲溪百丈池所謂溪流如鑲池深百丈也又曰陵陽山在石碓縣北三里按輿地志陵陽令竇子明於溪側釣魚一日釣得白龍子明憐而放之後數年又釣得一白魚剖其腹中乃有書教子明燒鍊食餌之術三年後白龍來迎子明遂得上昇其溪環遶山足今有仙壇醮

祭不絕水脈信州圖經曰師溪水源出黃蘗山北面在弋陽縣東南一百一十里昔有隱士胡超居此衆人師之故名師溪又後越絕書曰薛燭謂越王曰若耶之溪澗而出銅也古歐冶子鑄劍之所故戰國策云澗若耶以取銅破堇山而出錫又郡國志云歐冶子鑄劍處下有孤潭深而清有孤石聳出潭上有大櫟樹謝客兒與弟惠連作詩連句刻於樹上吳興記曰前溪在烏程縣南東流入太湖謂之風渚夾溪悉生箭箬後溪在市北東出餘不亭晉車騎將軍沈充作前溪歌曲傳者以為指此溪也裴氏廣州記曰百管谿周迴丈餘水極沸涌如猛火煎油聲西對谿三丈正只谷夏夏二新此與百三里正谷皆臨海圖經曰銅溪在縣西北五十里其水黃色狀似銅故

號銅溪也孫興公天台山賦云過靈溪而一澗是也善歌錄曰武溪水源出武山東南流注于沅故為歌曰武溪深復深飛鳥不能渡遊獸不能臨又曰下潦上霧看飛鳥墮水中即此也

壑

周易略例曰隆墀永歎遠壑必盈禮記曰大蜡之祭辭曰土反其宅水歸其壑山海經曰東海之水有大壑列子曰渤海之東不知幾億萬里有大壑實惟無底之谷曰歸塘莊子曰夫壑之為物注焉而不滿取焉而不竭又曰藏舟於壑藏山於澤謂之固矣然則夜半有力者負之而趨昧者不知

孟子曰志士不忘在溝壑

又曰蘇武牧羊匈奴山外數千里因食盡與野牛共食其  
其子曰夫盛之氣四時而流而水滿而不流則不流也

曰蘇武牧羊匈奴山外數千里因食盡與野牛共食其  
山蘇武牧羊匈奴山外數千里因食盡與野牛共食其

太平御覽卷第六十七 志士不忘在溝壑

又曰蘇武牧羊匈奴山外數千里因食盡與野牛共食其  
其子曰夫盛之氣四時而流而水滿而不流則不流也

